

Hei mahi whakamahere anake

Paerewa Paetae Ngā Mahi a te Rēhia 1.1: Te tūhura i ngā pūkenga toi taketake.

Te Kaupapa Ako: Ngā Mahi a te Rēhia 1.1A

Te Ingoa o te Rauemi: Ko te reo whakataukī tēnei

Whiwhinga: 4

Tohutohu mā te Ākonga

Te Horopaki

Kua whakahau atu te kaiwhakahaere whakaari o te kura i a koe kia whakatauirā mai i tētahi whakaari e meatia ana ngā huānga o tētahi tino akoranga o Ngā Mahi a te Rēhia i takea mai ai i tētahi whakataukī.

I tēnei ngohe aromatawai ka whakaatu mai koe i tōu māramatanga me tāu āhei ki te whakarite i tētahi raupapa kanikani nāu i waihanga e hāngai ana ki ngā tino kōrero i ākona ai e koe.

Tōna tikanga kua oti kē i a koe te tūhura, te whiriwhiri, te tārai, te whakaraupapa me te āta whakarite i āu mahi hei mahi motuhake e whakaatu mai ana i tāu tirohanga ki te whakataukī. Ka mahi takirōpū, takitahi rānei hei hanga hautaka pupuri kōrero.

[Kia 3 – 4 meneti te roa o te whakaari, me te whakarite hautaka e mau ana i ngā taunaki kōrero me ngā whakaahua mō te 4 wiki]

Hei mahi

Tūmahi 1:

Whakaaturia mai he whakaari mō tētahi whakataukī [kia 3 – 4 meneti]

- 1 He mahi ā-rōpū, kia whirihia kia 3 neke atu ngā whakataukī ka hoahoa pikitia ai hei whakamāori i tēnā whakataukī me tēnā.
 - i. Tuhia ngā whakamāori me te tautohu i ngā tino kōrero e rua (te iti iho) mō ia whakataukī.
 - ii. Meatia ngā tino kōrero rā hei whakawhanake i tētahi raupapa kanikani.
 - iii. Whirihia tētahi whakataukī me te whakawhanake i tētahi raupapa kanikani e meatia ana ngā huānga o tētahi tino akoranga o Ngā Mahi a te Rēhia.
 - iv. Tūhuratia, whirihia, tāraia, whakaraupapatia, āta whakaritea hoki āu nekehanga tae noa atu kia waihangatia tētahi raupapatanga e kaha whakamāori nei i ngā tino kōrero i whirihia e koe.
- 2 Whakarihia mai tā koutou whakaari ki tā te hautaka i kī ai [Tūmahi 2] hei kimi whakaaro, hei whakapuaki i ō te rōpū whakaaro.
 - i. Arohaehae whakaaro me te whakarite i aua whakaaro hei whakaari ā-rōpū, ā-takitahi e meatia ana ngā huānga o tētahi tino akoranga o Ngā

Mahi a te Rēhia ki te whakapuaki i tāu/tā te rōpū whakamāoritanga o te whakataukī.

- ii. Whakaharatau ā-rōpū, ā-takitahi kia āta whakapai ake i te whakaari hei hopu, hei whakaatu rānei.

Tūmahi 2:

Hautaka [he kohinga mahi o te te 4 wiki, he taunakitanga]

- 1 Me hanga he hautaka (ā-ringa, ā-rorohiko) e whakaatu ana e pēhea i uru ai ki te/ngā raupapatanga te whakamāoritanga.
 - i. Meatia ngā tuinga e koe/koutou me ngā whakaahua o te hautaka ki te whakarāpopoto i te tikanga me te whāinga o ngā whakaaro i tūhuratia ai, i whakawhanaketia ai hoki hei waihanga i te raupapa whakamutunga e meatia ana ngā huānga o tētahi tino akoranga o Ngā Mahi a te Rēhia.
 - ii. I te whakaari i hopukia ai, i whakaari ā-tinana rānei, me whakataki te whakaari hei whakaari ā-rōpū, ā-takitahi rānei.
 - iii. I te hautaka tuhia he kōrero, hoaina hoki ngā whakaahua e whakaata ana i ngā whakaaro tuatahi, ngā tino kōrero me te whanake haere o aua whakaaro tuatahi o roto o te 4 wiki.
 - iv. Me tuhi i te hautaka he kōrero ina panoni whakaaro, whakapai ake whakaaro rānei.
 - v. Me homai te hautaka i muri tonu iho i te mahi whakaari [Tūmahi 1].

Taunakitanga: Ngā Mahi a te Rēhia 1.1A Ko te reo whakataukī tēnei

Taunakitanga – mō te Paetae	Taunakitanga – mō te Kaiaka	Taunakitanga – mō te Kairangi
Ka <u>whakaatu mai i tōna mārama</u> ki te mahi i ngā huānga tūturu o tētahi tino akoranga o Ngā Mahi a te Rēhia i roto i tētahi whakaari koringa tinana i titoa ai e te akonga me ngā taunakitanga.	Ka <u>kaiaka te whakaatu mai</u> o tōna mārama ki te mahi i ngā huānga tūturu o tētahi tino akoranga o Ngā Mahi a te Rēhia i roto i tētahi whakaari koringa tinana i titoa ai e te akonga me ngā taunakitanga.	Ka <u>kairangi te whakaatu mai</u> o tōna mārama ki te mahi i ngā huānga tūturu o tētahi tino akoranga o Ngā Mahi a te Rēhia i roto i tētahi whakaari koringa tinana i titoa ai e te akonga me ngā taunakitanga.

DRAFT